



De ersichd Auß.

Bedscht hann ich bei meiⁿm Schatz geseß,
Deß is e herzig Kind;
Mer hänn geplaudert sell un deß
Un hänn die Mudder ganz vergeß,
Die sitzt im Eck un schbinnt.

Mer hänn gemait un diichbediert,
Genext uns, wie 's so geht;
Dann wirrer hänn mer schtill sinniert,
Dobei uffs eifrigste schtudiert
Die Deck un die Dabbeet.

Die Sunn durchs Fenschderche grad sieht,
Als ob se saache wollt:
Die ald Geschicht un 's alde Lied.
Un 's Rebbche vun meiⁿm Määre gliecht
Wie lauder leerig Gold.

Do kummt mich sunnerbar Geluscht
Un hääß Verlange a".
Ich zieh mei" Määre an mei" Bruscht
Un dhu, waß ich halt dhue muscht,
Was annre aah gedha".

De erschde Kuß! Wie saacht sich doch
Deß Word so sunnerbar;
Ich schbier deß sieße Meilche noch
Un wie mei" Määre wie verschrock
Gäh in die Heeh gefahr.

Do reht sich leis waß in de Eck
Un hieschdelt hi" vor sich;
Die Mudder. Dreibt die aah de Schreck
Orrer die Grinnrung wegg,
Weil sie enaus geschlich?

